



নিউজলেটার

আদমজী ক্যান্টনমেন্ট কলেজ

প্রথম বর্ষ

সংখ্যা ০১

জুলাই ২০২২



অধ্যক্ষের বাণী

আদমজী ক্যান্টনমেন্ট কলেজের নতুন সংযোজন 'নিউজলেটার'। যে কোনো প্রথম প্রয়াস আনন্দের, গৌরবের এবং নতুন অর্জনের। 'নিউজলেটার' এ কলেজের ষাণ্মাসিক প্রতিবিশ্ব। বছর জুড়ে শিক্ষক-শিক্ষার্থীর কর্মযজ্ঞে মুখরিত যে আদমজী-অঙ্গন; এখন থেকে 'নিউজলেটার'-এ তার নিদর্শন ধরে রাখবে। 'নিউজলেটার' হবে কালের সাক্ষী। আমি এই প্রথম উন্মোচনের সাথে সংশ্লিষ্ট সকলকে জানাই আমার আন্তরিক অভিনন্দন ও শুভকামনা। আমি মনে করি আদমজী ক্যান্টনমেন্ট কলেজের গৌরবমণ্ডিত পথ চলায় 'নিউজলেটার' নতুন ইতিহাস রচনাকারী বুদ্ধিদীপ্ত নান্দনিক নিদর্শনে পরিণত হবে।



ক্যাপশন



ক্যাপশন



ক্যাপশন

শহিদ দিবস ও আন্তর্জাতিক মাতৃভাষা দিবস উদযাপন



শহিদ দিবস ও আন্তর্জাতিক মাতৃভাষা দিবস উপলক্ষে বিভিন্ন প্রতিযোগিতায় বিজয়ীদের মাঝে কলেজ অধ্যক্ষ পুরস্কার প্রদান করছেন মাননীয় অধ্যক্ষ

যথাযোগ্য মর্যাদা ও ভাব-গাষ্ঠীর মধ্যদিয়ে আদমজী ক্যান্টনমেন্ট কলেজে 'শহিদ দিবস ও আন্তর্জাতিক মাতৃভাষা দিবস-২০২২' উদযাপিত হয়েছে। শিক্ষার্থীদের কাছে দিবসটির তাৎপর্য উপস্থাপনের লক্ষ্যে এ দিন বিভিন্ন কর্মসূচি গ্রহণ করা হয়। অনুষ্ঠানটি দুটি পর্বে বিভক্ত ছিল। প্রথম পর্বে কলেজ শিক্ষার্থীদের অংশগ্রহণে সাংস্কৃতিক অনুষ্ঠানের আয়োজন করা হয়। দ্বিতীয় পর্বে একটি আলোচনাসভা অনুষ্ঠিত হয়। সভায় একজন শিক্ষক, দুইজন শিক্ষার্থী এবং অধ্যক্ষ মহোদয় বক্তব্য রাখেন। সাংস্কৃতিক অনুষ্ঠান শেষে অধ্যক্ষ মহোদয়ের নেতৃত্বে উপাধ্যক্ষ, শিক্ষক, শিক্ষার্থী, প্রশাসনিক কর্মকর্তা ও কর্মচারীবৃন্দ কলেজের শহিদ মিনারে পুষ্পস্তবক অর্পণ করেন।

ঐতিহাসিক ৭ ই মার্চ উদযাপন



ঐতিহাসিক ৭ই মার্চের তাৎপর্য নির্দেশ করে নির্মিত প্রামাণ্য চিত্র প্রদর্শন

আদমজী ক্যান্টনমেন্ট কলেজে ঐতিহাসিক ৭ই মার্চ যথাযোগ্য মর্যাদার সাথে উদযাপিত হয়েছে। দিবসটি উপলক্ষে কলেজে বিভিন্ন কর্মসূচি গ্রহণ করা হয়। শিক্ষার্থীদের মধ্যে আবৃত্তি, রচনা, চিত্রাঙ্কন ও নান্দনিক হস্তাক্ষর লেখা প্রতিযোগিতার আয়োজন করা হয়। কলেজ অধ্যক্ষ মহান স্বাধীনতা সংগ্রামে বঙ্গবন্ধু শেখ মুজিবুর রহমানের ৭ই মার্চের কালজয়ী ভাষণের তাৎপর্য শিক্ষার্থীদের কাছে তুলে ধরেন। অনুষ্ঠান শেষে ৭ই মার্চের ভিডিও ক্লিপ প্রদর্শন করা হয়।

জাতির পিতা বঙ্গবন্ধু শেখ মুজিবুর রহমানের ১০২ তম জন্মবার্ষিকী ও জাতীয় শিশু দিবস উদযাপন



জাতির পিতা বঙ্গবন্ধু শেখ মুজিবুর রহমানের ১০২ তম জন্মবার্ষিকী ও জাতীয় শিশু দিবস উপলক্ষে মঞ্চস্থ নাটকের একাংশ

জাতির পিতা বঙ্গবন্ধু শেখ মুজিবুর রহমানের ১০২ তম জন্মবার্ষিকী ও জাতীয় শিশু দিবস-২০২২ কলেজ মিলনায়তনে যথাযোগ্য মর্যাদার সাথে উদযাপিত হয়েছে। জাতির পিতার শৈশব, কৈশোর ও তাঁর রাজনৈতিক কর্মকাণ্ডের ওপর উচ্চমাধ্যমিক শ্রেণির একজন, স্নাতক সম্মান শ্রেণির একজন এবং একজন শিক্ষক বক্তব্য রাখেন। এরপর একটি সাংস্কৃতিক অনুষ্ঠানের আয়োজন করা হয়। অনুষ্ঠানে শিক্ষার্থীরা সংগীত, নাটক, কবিতা আবৃত্তি পরিবেশন করে। সবশেষে বঙ্গবন্ধুর জীবনীর ওপর একটি প্রামাণ্য চিত্র প্রদর্শন করা হয়। অনুষ্ঠানের শেষপর্বে কলেজ-অধ্যক্ষ বিভিন্ন প্রতিযোগিতায় বিজয়ীদের মধ্যে পুরস্কার প্রদান করেন।

গণহত্যা দিবস- ২০২২ পালন

আদমজী ক্যান্টনমেন্ট কলেজে ২৫ মার্চ 'গণহত্যা দিবস' যথাযোগ্য মর্যাদায় পালন করা হয়। অনুষ্ঠানে প্রধান অতিথি হিসেবে উপস্থিত ছিলেন কলেজ পরিচালনা পর্ষদের মাননীয় সভাপতি ব্রিগেডিয়ার জেনারেল মুঃ অহিদুল ইসলাম, এসইউপি, এনডিসি, পিএসসি পরিচালক, ইঞ্জিনিয়ার পরিদপ্তর, ই-ইন-সি'র শাখা, সেনাসদর। উচ্চমাধ্যমিক থেকে একজন, স্নাতক থেকে একজন ও একজন শিক্ষক ২৫ মার্চ কাল রাতে নিরীহ নিরস্ত্র বাঙালি জাতির উপর পশ্চিম পাকিস্তানি শাসক গোষ্ঠীর নির্মম হত্যাকাণ্ডের চিত্র তুলে ধরেন তাঁদের বক্তৃতায়। অনুষ্ঠানে প্রধান অতিথির বক্তব্য রাখেন কলেজ পরিচালনা পর্ষদের মাননীয় সভাপতি। অনুষ্ঠানের শেষ অংশে ২৫ মার্চ কাল রাতের ওপর নির্মিত একটি প্রামাণ্য চিত্র প্রদর্শন করা হয়।



গণহত্যা দিবসে বক্তব্য রাখছেন কলেজ পরিচালনা পর্ষদের মাননীয় সভাপতি

মহান স্বাধীনতা ও জাতীয় দিবস-২০২২



মহান স্বাধীনতা ও জাতীয় দিবসে আয়োজিত অনুষ্ঠানের সাংস্কৃতিক পর্বে অংশগ্রহণকারী শিক্ষার্থী ও প্রতিযোগিতায় বিজয়ী শিক্ষার্থীদের সঙ্গে কলেজ-অধ্যক্ষ, উপাধ্যক্ষ ও শিক্ষক-শিক্ষিকাবৃন্দ

আদমজী ক্যান্টনমেন্ট কলেজ উৎসাহ উদ্দীপনার মধ্যদিয়ে ২৬শে মার্চ মহান স্বাধীনতা ও জাতীয় দিবস উদযাপন করেছে। এ দিবসটি উদযাপনের লক্ষ্যে বিভিন্ন কর্মসূচি গ্রহণ করা হয়েছিল। শিক্ষার্থীরা রচনা ও কুইজ প্রতিযোগিতায় অংশগ্রহণ করে। উচ্চমাধ্যমিক পর্যায়ে একজন শিক্ষার্থী, স্নাতক (সম্মান) শ্রেণির একজন শিক্ষার্থী, একজন শিক্ষক মাননীয় অধ্যক্ষ মহোদয় মহান স্বাধীনতা ও জাতীয় দিবসের ওপর বক্তৃতা প্রদান করেন। অনুষ্ঠান শেষে বিভিন্ন প্রতিযোগিতায় অংশগ্রহণকারী শিক্ষার্থীদের মাঝে পুরস্কার প্রদান করেন কলেজ-অধ্যক্ষ।

বাংলা নববর্ষ-১৪২৯ উদযাপন

আদমজী ক্যান্টনমেন্ট কলেজ বিভিন্ন আনন্দ আয়োজনের মধ্যদিয়ে বাংলা নববর্ষ-১৪২৯ উদযাপন করে। দিবসটি উপলক্ষ্যে শহিদ রুমি মঞ্চে এক মনোজ্ঞ সাংস্কৃতিক অনুষ্ঠানের আয়োজন করা হয়। অনুষ্ঠানে শিক্ষার্থীরা দলীয় সংগীত ও বৃন্দ আবৃত্তি পরিবেশন করে। সর্বশেষে ভারপ্রাপ্ত অধ্যক্ষ অধ্যাপক মোঃ গোলাম ফারুক বাংলা নববর্ষে তাৎপর্যমণ্ডিত বক্তব্য প্রদান করেন।



বর্ষবরণ ১৪২৯ এ সাংস্কৃতিক অনুষ্ঠানের একাংশ

১৭ এপ্রিল ২০২২ ঐতিহাসিক মুজিবনগর দিবস উদযাপন



ঐতিহাসিক মুজিবনগর দিবসের তাৎপর্য তুলে ধরে বক্তব্য রাখছেন কলেজের ভারপ্রাপ্ত অধ্যক্ষ অধ্যাপক গোলাম ফারুক

আদমজী ক্যান্টনমেন্ট কলেজ ১৭ এপ্রিল ২০২২ ঐতিহাসিক মুজিবনগর দিবস উদযাপন করে। অনুষ্ঠানের শুরুতে ছিল আলোচনা সভা। সাংস্কৃতিক পর্বে শিক্ষার্থীরা গান, আবৃত্তি ও অভিনয়ে অংশগ্রহণ করে। দিবসটিকে কেন্দ্র করে রচনা প্রতিযোগিতার আয়োজন করা হয়। দিবসটির তাৎপর্য বর্ণনা করে ভারপ্রাপ্ত অধ্যক্ষ বক্তৃতা প্রদান করেন। রচনা প্রতিযোগিতায় বিজয়ীদের মাঝে পুরস্কার বিতরণের মধ্য দিয়ে অনুষ্ঠানের সমাপ্তি হয়।

জাতীয় শিক্ষা সপ্তাহ-২০২২ উদযাপন

গণপ্রজাতন্ত্রী বাংলাদেশ সরকারের শিক্ষা মন্ত্রণালয়, মাধ্যমিক ও উচ্চ শিক্ষা বিভাগের অধীনে 'সেবা শাখা' প্রতি বছর স্ব স্ব ক্ষেত্রে অবদানের স্বীকৃতি প্রদানের উদ্দেশ্যে দেশের প্রতিটি মাধ্যমিক স্কুল, কলেজ, কারিগরি শিক্ষা প্রতিষ্ঠান ও মাদ্রাসার শ্রেষ্ঠ শিক্ষার্থী, শ্রেষ্ঠ শ্রেণি শিক্ষক, শ্রেষ্ঠ প্রতিষ্ঠান প্রধান, শ্রেষ্ঠ শিক্ষা প্রতিষ্ঠান নির্বাচনের লক্ষ্যে জাতীয় শিক্ষা সপ্তাহ কর্মসূচি গ্রহণ করে। গত ১৯ মে ২০২২ তারিখে শহীদ বীর উত্তম লেঃ আনোয়ার গার্লস কলেজে থানা পর্যায়ে অনুষ্ঠিত হয়েছে জাতীয় শিক্ষা সপ্তাহ-২০২২-এর প্রথম পর্ব। থানা পর্যায়ের এই প্রতিযোগিতায় আদমজী ক্যান্টনমেন্ট কলেজ বিভিন্ন ইভেন্টে বিজয়ী হয়ে অভাবনীয় সাফল্য অর্জন করেছে। একাদশ ও দ্বাদশ শ্রেণির বিভিন্ন ইভেন্টে ১ম স্থান অর্জন করেছে ১০ জন শিক্ষার্থী। অনার্স ও মাস্টার্স শ্রেণির বিভিন্ন ইভেন্টে ১ম স্থান অর্জন করেছে ১৫ জন শিক্ষার্থী। এছাড়াও প্রাতিষ্ঠানিক পর্যায়ে এ কলেজ শ্রেষ্ঠ শিক্ষা প্রতিষ্ঠান হওয়ার গৌরব অর্জন করেছে। শ্রেষ্ঠ প্রতিষ্ঠান প্রধান হওয়ার গৌরব অর্জন করেছেন এ কলেজের সুযোগ্য অধ্যক্ষ ব্রিগেডিয়ার জেনারেল আল ফারুক সিদ্দিকী, বিএসপি, এনডিইউ, এএফডব্লিউসি, পিএসসি, এমফিল। এছাড়াও এ কলেজ থেকে শ্রেষ্ঠ শ্রেণিশিক্ষক অধ্যাপক ড. মোঃ আলাউদ্দিন, বিভাগীয় প্রধান, অর্থনীতি বিভাগ, শ্রেষ্ঠ বিএনসিসি নম্বর- ১৫১৩৩৫৫১ সিইউও মোঃ ইসমাইল হোসেন, অনার্স ৪র্থ বর্ষ, রাষ্ট্রবিজ্ঞান বিভাগ, শ্রেষ্ঠ বিএনসিসি শিক্ষক পিইউও ৪৮১ অধ্যাপক মোঃ আব্দুল বাতেন, হিসাববিজ্ঞান বিভাগ এবং ১ নং পুরুষ প্লাটুন শ্রেষ্ঠ বিএনসিসি গ্রুপ নির্বাচিত হয়েছে। গত ২৯ মে ২০২২ তারিখে আজিমপুর গভঃ গার্লস স্কুল এন্ড কলেজে জাতীয় শিক্ষা সপ্তাহ- ২০২২ এর মহানগর পর্যায় অর্থাৎ ২য় পর্যায় অনুষ্ঠিত হয়। উক্ত প্রতিযোগিতায় এ কলেজের অনার্স শ্রেণির শিক্ষার্থীরা

তিনটি ইভেন্টে জারিগান (দল ভিত্তিক), নৃত্য (উচ্চাঙ্গ) এবং বিতর্ক প্রতিযোগিতায় (একক) ১ম স্থান অর্জন করে কৃতিত্বপূর্ণ সাফল্যের সাক্ষররাখে। উক্ত অনুষ্ঠানে প্রধান অতিথি হিসেবে উপস্থিত ছিলেন জনাব মোঃ খলিলুর রহমান, কমিশনার, ঢাকা বিভাগ। গত ০৫ জুন ২০২২ তারিখে জাতীয় শিক্ষা সপ্তাহের জাতীয় পর্যায়ের অনুষ্ঠান হয় সরকারি টিচার্স ট্রেনিং কলেজ ঢাকাতে। উক্ত অনুষ্ঠানে জাতীয় পর্যায়ে এ কলেজের অনার্স ২য় বর্ষ ব্যবস্থাপনা বিভাগের শিক্ষার্থী রিদম সাংমা উৎস উচ্চাঙ্গ নৃত্যে ৩য় স্থান অর্জন করেছে।



জাতীয় শিক্ষা সপ্তাহ ২০২২ এ জারি গানে অংশগ্রহণকারী শিক্ষার্থীবৃন্দ

ট্যালেন্ট হান্ট-২০২১ এর পুরস্কার প্রদান



আদমজী ক্যান্টনমেন্ট কলেজ আয়োজিত ট্যালেন্ট হান্ট -২০২১ প্রতিযোগিতায় পুরস্কার প্রাপ্ত শিক্ষার্থীদের সাথে মাননীয় অধ্যক্ষ মহোদয়

আদমজী ক্যান্টনমেন্ট কলেজ শিক্ষার পাশাপাশি সহশিক্ষা কার্যক্রমও পরিচালনা করে। গত ০৮ ও ০৯ জুন ২০২১ সালে ট্যালেন্ট হান্টে বিজয়ী প্রতিযোগীদের পুরস্কার প্রদান করা হয়। অধ্যক্ষ মহোদয় কলেজ অডিটোরিয়ামে ০৮ জুন ১০টি ক্লাবকে পুরস্কার এবং ০৯ জুন ১০টি ক্লাবকে পুরস্কার প্রদান করেন। এছাড়া পুরস্কার বিতরণীর পাশাপাশি কলেজের সাংস্কৃতিক ক্লাবের পরিচালনায় মনোজ্ঞ সাংস্কৃতিক অনুষ্ঠানের আয়োজন করা হয়। অধ্যক্ষ মহোদয় পুরস্কার বিজয়ী শিক্ষার্থী ও পুরস্কার প্রদান অনুষ্ঠানের সাথে সংশ্লিষ্ট সকলকে ধন্যবাদ জানান এবং ভবিষ্যতে সাফল্যের এ ধারা অব্যাহত রাখতে শিক্ষার্থীদের উৎসাহ দেন।

আন্তঃহাউজ ভলিবল (ছাত্র) ও হ্যান্ডবল (ছাত্রী) প্রতিযোগিতা

আন্তঃহাউজ ভলিবলে (ছাত্র) চ্যাম্পিয়ন বীরশ্রেষ্ঠ মুন্সী আব্দুর রউফ হাউজ



আন্তঃহাউজ ভলিবল ফাইনালে (ছাত্র) চ্যাম্পিয়ন বীরশ্রেষ্ঠ মুন্সী আব্দুর রউফ হাউজ

গত ০৮ জুন ২০২২ কলেজ ক্যাম্পাসে ছাত্রদের আন্তঃহাউজ ভলিবল খেলার ফাইনাল অনুষ্ঠিত হয়। তুমুল প্রতিদ্বন্দ্বিতাপূর্ণ এ খেলায় বীরশ্রেষ্ঠ মুন্সী আব্দুর রউফ হাউজ ও বীরশ্রেষ্ঠ মোস্তফা কামাল হাউজ অংশ গ্রহণ করে। প্রাণবন্ত এ প্রতিযোগিতায় বীরশ্রেষ্ঠ মুন্সী আব্দুর রউফ হাউজ চ্যাম্পিয়ন হওয়ার গৌরব অর্জন করে। সম্পূর্ণ আয়োজনে উপস্থিত থেকে খেলোয়াড়দের উৎসাহ ও পুরস্কার প্রদান করেন কলেজ অধ্যক্ষ ব্রিগেডিয়ার জেনারেল আল ফারুক সিদ্দিকী বিএসপি, এনডিইউ, এএফডব্লিউসি, পিএসসি, এমফিল মহোদয়।

আন্তঃহাউজ হ্যান্ডবলে (ছাত্রী) চ্যাম্পিয়ন বীরশ্রেষ্ঠ মোস্তফা কামাল হাউজ



আন্তঃহাউজ হ্যান্ডবলে (ছাত্রী) চ্যাম্পিয়ন বীরশ্রেষ্ঠ মোস্তফা কামাল হাউজ

করোনা মহামারির পরে প্রাণবন্ত ক্যাম্পাসে ছাত্রীদের 'আন্তঃহাউজ হ্যান্ডবল প্রতিযোগিতা-২০২২'-এ সপ্তাহব্যাপী আয়োজনের চূড়ান্ত প্রতিযোগিতা অনুষ্ঠিত হয় গত ১২ জুন। বীরশ্রেষ্ঠ মুন্সী আব্দুর রউফ হাউজ এবং বীরশ্রেষ্ঠ মোস্তফা কামাল হাউজের মধ্যে অনুষ্ঠিত এ ফাইনাল প্রতিযোগিতায় বীরশ্রেষ্ঠ মোস্তফা কামাল হাউজ চ্যাম্পিয়ন হওয়ার গৌরব অর্জন করে। খেলা শেষে বিজয়ী ও বিজিত দলের মাঝে পুরস্কার প্রদান করেন কলেজ অধ্যক্ষ ব্রিগেডিয়ার জেনারেল আল ফারুক সিদ্দিকী বিএসপি, এনডিইউ, এএফডব্লিউসি, পিএসসি, এমফিল মহোদয়।

জাতীয় কবি কাজী নজরুল ইসলামের ১২৩তম জন্ম-বার্ষিকী উদযাপন



জাতীয় কবির ১২৩ তম জন্মবার্ষিকীতে একক নৃত্য পরিবেশনায় কলেজের প্রথম বর্ষের শিক্ষার্থী আদমজী ক্যান্টনমেন্ট কলেজে উদযাপিত হলো ১২৩তম নজরুল-জয়ন্তী। গত ২৫ মে কলেজ অডিটোরিয়ামে মনোজ্ঞ আয়োজনে জাতীয় কবির জীবন ও কর্মের বর্ণাঢ্য নানা দিক পরিবেশিত হয়। আলোচনা ও সাংস্কৃতিক অনুষ্ঠানে শিক্ষক-শিক্ষার্থীর পরিবেশনায় প্রেম ও দ্রোহের কবিকে আবারও জানার সুযোগ পায় এ প্রজন্ম। শিক্ষার্থী ও শিক্ষকের বক্তৃতা, নজরুল গীতি



জাতীয় কবির ১২৩ তম জন্মবার্ষিকীতে তবলায় 'সৃষ্টি-সুখের উল্লাসে' কবিতা পরিবেশনার মাহেন্দ্রক্ষণে অধ্যক্ষ মহোদয়

পরিবেশন, নাচের আয়োজন প্রভৃতি বিষয় ছিল নজরকাড়া। তবে সকলের প্রাণে নতুন উদ্দীপনা ও জাগরণ ঘটায় স্বয়ং অধ্যক্ষ মহোদয় কর্তৃক তবলা বাজিয়ে 'আজ সৃষ্টি-সুখের উল্লাসে' কবিতার আবৃত্তি। করোনা কালের অনূর্বর সময়ের পর নজরুল-জয়ন্তী এবং অধ্যক্ষ মহোদয়ের ভূমিকা কলেজে নব প্রাণের সঞ্চারণ ঘটিয়েছে।

ক্যান্টনমেন্ট পাবলিক স্কুল ও কলেজসমূহের কেন্দ্রীয় সমন্বয় পরিষদের ৫৩তম সমন্বয় সভা



আদমজী ক্যান্টনমেন্ট কলেজে অনুষ্ঠিত ক্যান্টনমেন্ট পাবলিক স্কুল ও কলেজসমূহের কেন্দ্রীয় সমন্বয় পরিষদের ৫৩তম সমন্বয় সভায় অংশগ্রহণকারী মাননীয় সভাপতি ও অন্যান্য সদস্য

২২ মার্চ ২০২২ তারিখে আদমজী ক্যান্টনমেন্ট কলেজের সম্মেলন কক্ষে ক্যান্টনমেন্ট পাবলিক স্কুল ও কলেজসমূহের কেন্দ্রীয় সমন্বয় পরিষদের ৫৩তম সমন্বয় সভা অনুষ্ঠিত হয়। উক্ত সভায় সভাপতিত্ব করেন সম্মানিত বিএ-২৬৬৬ লেফটেন্যান্ট জেনারেল আতাউল হাকিম সারওয়ার হাসান, এসবিপি, এসজিপি, এনডিইউ, এএফডব্লিউসি, পিএসসি, পিএইচডি চিফ অব জেনারেল স্টাফ (সিজিএস), বাংলাদেশ সেনাবাহিনী এবং সভাপতি কেন্দ্রীয় সমন্বয় পরিষদ, ক্যান্টনমেন্ট পাবলিক স্কুল ও কলেজ। সভায় বিএ-৫৩৫৯ ব্রিগেডিয়ার জেনারেল মোঃ রেজাউল ইসলাম, পিএসসি, পিএইচডি, পরিচালক, শিক্ষা পরিদপ্তর এবং প্রধান সমন্বয়কারী, কেন্দ্রীয় সমন্বয় পরিষদ, বিএ-৩৯৬১ ব্রিগেডিয়ার জেনারেল

(বর্তমানে মেজর জেনারেল) মোঃ মাহবুব-উল আলম, এনডিসি, এএফডব্লিউসি, পিএসসি, এফফিল, পিএইচডি তৎকালীন অধ্যক্ষ আদমজী ক্যান্টনমেন্ট কলেজ, জনাব মোঃ মাহবুব আলম তালুকদারসহ ক্যান্টনমেন্ট পাবলিক স্কুল ও কলেজসমূহের অধ্যক্ষবৃন্দ অংশগ্রহণ করেন। সভাপতি সেনাবাহিনী প্রধান ও নিজের পক্ষ থেকে সামরিক বাহিনীসহ অসামরিক ব্যক্তিবর্গের সন্তানদের যুগোপযোগী ও মানসম্মত শিক্ষাপ্রদানে ব্রতী থাকায় সকল অধ্যক্ষ ও প্রধান শিক্ষকগণকে ধন্যবাদ জানান। উক্ত সভায় ৫২তম সভায় গৃহীত সিদ্ধান্তসমূহের অগ্রগতির প্রতিবেদন উপস্থাপিত হয়। সমাপনী বক্তব্যে সভাপতি শিক্ষার মূল উদ্দেশ্যের সঙ্গে মূল্যবোধের সংমিশ্রণে শিক্ষার্থীদের ভালো মানুষ হিসেবে তৈরির ওপর গুরুত্ব দেন।

জাতিসংঘ শান্তিরক্ষী দিবস উদযাপন- ২০২২



‘জাতিসংঘ শান্তি রক্ষী দিবস’ এ অংশগ্রহণকারী শিক্ষার্থীদের সঙ্গে মাননীয় অধ্যক্ষ

গত ২৯ মে ২০২২ তারিখ রবিবার বঙ্গবন্ধু আন্তর্জাতিক সম্মেলন কেন্দ্রে অনুষ্ঠিত হয়েছে আন্তর্জাতিক ‘শান্তিরক্ষী দিবস-২০২২’। সাংবাৎসরিক ভিত্তিতে ২৯ মে উদযাপিত হয় আন্তর্জাতিক ‘জাতিসংঘ শান্তিরক্ষী দিবস’। এদিনে জাতিসংঘ শান্তিরক্ষী বাহিনীর কার্যক্রমে অংশগ্রহণকারী সকল নারী-পুরুষকে শান্তি রক্ষার লক্ষ্যে তাঁদের আত্মত্যাগের ঘটনাকে গভীর কৃতজ্ঞতা ও যথোচিত সম্মানপূর্বক স্মরণ করা হয়। উক্ত দিবসে তাঁদের ত্যাগ, সর্বোৎকৃষ্ট পেশাদারি মনোভাব বজায় রেখে, কর্তব্যপরায়ণতা ও নিষ্ঠার সাথে দায়িত্ব পালনের প্রতিও শ্রদ্ধা জানানো হয়। ইউক্রেনের শান্তিরক্ষী সংস্থা এবং ইউক্রেন সরকারের যৌথ প্রস্তাবনায় ১১ ডিসেম্বর, ২০০২ সালে জাতিসংঘ সাধারণ পরিষদের গৃহীত ৫৭/১২৯ প্রস্তাব অনুযায়ী এ দিবসের রূপরেখা প্রণয়ন করা হয়। ১৯৪৮ সালে সংঘটিত আরব-ইসরাইলি যুদ্ধকালীন যুদ্ধ বিরতি পর্যবেক্ষণে গঠিত জাতিসংঘ ট্রাস সুপারভিশন অর্গ্যানাইজেশন (আন্টসো) দিনটিকে উপজীব্য করে ২৯ মে তারিখটি স্থির করা হয়। উল্লেখ্য ‘আন্টসো’-ই হচ্ছে প্রথম জাতিসংঘ শান্তিরক্ষী বাহিনী। এ বছর উক্ত দিবসে আদমজী ক্যান্টনমেন্ট কলেজ থেকে একজন শিক্ষকের নেতৃত্বে ১৯ সদস্যের এক শিক্ষার্থী প্রতিনিধি দল বঙ্গবন্ধু আন্তর্জাতিক সম্মেলন কেন্দ্রে উল্লিখিত দিবসের অনুষ্ঠানে অংশগ্রহণ করে। অনুষ্ঠানে প্রধান অতিথি হিসেবে গণপ্রজাতন্ত্রী বাংলাদেশ সরকারের মাননীয় প্রধানমন্ত্রী শেখ হাসিনা ভিটিসি (VTC) এর মাধ্যমে যোগদান করেন। উল্লেখ্য ১৯৮৮ সাল থেকে বাংলাদেশ জাতিসংঘ শান্তি রক্ষী মিশনে কাজ করে আসছে। এ কলেজের শিক্ষার্থীরা যথাযথ মর্যাদা দিয়ে উক্ত দিবসের অনুষ্ঠান উপভোগ করে এবং দেশ, জাতি ও বিশ্বমানবতার সেবায় আত্মনিয়োগ করার শপথ গ্রহণ করে।

বৃক্ষরোপণ অভিযান- ২০২২



ছবির ক্যাপশন বৃক্ষরোপণ অভিযানে কলেজ প্রাঙ্গণে বৃক্ষরোপণ করেন কলেজ-অধ্যক্ষ

গত ১৬ জুন আদমজী ক্যান্টনমেন্ট কলেজে বৃক্ষরোপণ কর্মসূচী-২০২২ পালন করা হয়েছে। বৃক্ষরোপণ অভিযান-২০২২ এ সম্মানিত সেনাবাহিনী প্রধান বিএ-২৪৯৬ জেনারেল এস এম শফিউদ্দিন আহমেদ, এসবিপি, ওএসপি, এনডিইউ, পিএসসি, পিএইচডি বাংলাদেশ সেনাবাহিনী, বৃক্ষরোপণ কর্মসূচী-২০২২ এর শুভ উদ্বোধন করতে সদয় সম্মতি জ্ঞাপন করেন। ১৬ জুন ২০২২ নির্ব্বর আবাসিক এলাকায় তিনি এ অনুষ্ঠানের উদ্বোধন করেন। এই বৃক্ষরোপণ অভিযানের প্রতিপাদ্য বিষয় ছিল:

‘বৃক্ষপ্রাণে প্রকৃতি-প্রতিবেশ,
আগামী প্রজন্মের টেকসই বাংলাদেশ।’



বৃক্ষরোপণ অভিযান-২০২২ উপলক্ষ্যে র্যালী

মাননীয় সেনাপ্রধানের বৃক্ষরোপণ অভিযান-২০২২ এর উদ্বোধনী আয়োজনের সঙ্গে সঙ্গতি রেখে আদমজী কলেজে গত ১৬ জুন বৃক্ষরোপণ অভিযান-২০২২ পালন করা হয়। ওই দিন একাদশ অনার্স, বিবিএ ও মাস্টার্স এর শিক্ষার্থীদের অংশগ্রহণে ভারপ্রাপ্ত অধ্যক্ষ অধ্যাপক মোঃ গোলাম ফারুক এর নেতৃত্বে কলেজ প্রাঙ্গণে এক বর্ণাঢ্য র্যালির আয়োজন করা হয়। র্যালি কলেজ ক্যাম্পাস প্রদক্ষিণ করে। ক্যাম্পাস চত্বরে বৃক্ষ রোপণের মধ্য দিয়ে র্যালি শেষ হয়। পরবর্তীতে কলেজ অধ্যক্ষ ব্রিগেডিয়ার জেনারেল আল ফারুক সিদ্দিকী বিএসপি, এনডিইউ, এএফডব্লিউসি, পিএসসি, এমফিল মহোদয় কলেজ প্রাঙ্গণে একটি ..বৃক্ষ রোপণ করেন।

আদমজী ক্যান্টনমেন্ট কলেজের শিক্ষার্থী ও অভিভাবকদের সাথে অধ্যক্ষ মহোদয়ের মতবিনিময়



অধ্যক্ষ মহোদয় একাদশ, দ্বাদশ শ্রেণির শিক্ষার্থী ও অভিভাবকদের সঙ্গে মতবিনিময় সভায় অংশগ্রহণ করেন। কলেজ অডিটোরিয়ামে সভাটি অনুষ্ঠিত হয়

আদমজী ক্যান্টনমেন্ট কলেজের একাদশ শ্রেণির শিক্ষার্থীদের সাথে নবাগত অধ্যক্ষ মহোদয় ১৯ মে থেকে ২৩ মে পর্যন্ত ধারাবাহিক দ্বি-সেশনে এক মতবিনিময় সভায় অংশগ্রহণ করেন। কলেজ অডিটোরিয়ামে সভাটি অনুষ্ঠিত হয়। একাডেমিক কার্যক্রমের পাশাপাশি সহশিক্ষা কার্যক্রম সম্পর্কে শিক্ষার্থীরা তাদের অভিমত ব্যক্ত করে। অধ্যক্ষ মহোদয় তাদের বিভিন্ন মতামত শোনে এবং প্রয়োজনীয় পদক্ষেপ গ্রহণের নির্দেশনা প্রদান করেন। তিনি কলেজের সার্বিক শৃঙ্খলাসহ নৈতিক শিক্ষার গুরুত্ব নিয়েও আলোচনা করেন। অধ্যক্ষ মহোদয় ০৬ জুন অভিভাবকদের সঙ্গে একটি সভায় অংশগ্রহণ করেন। অভিভাবকরা সেখানে নিজেদের সন্তানদের সার্বিক পড়ালেখার অগ্রগতি বিষয়ে অভিমত দেন। অধ্যক্ষ মহোদয় দ্বাদশ শ্রেণির শিক্ষার্থীদের সাথেও মতবিনিময় করেন এবং অনুষ্ঠিতব্য উচ্চমাধ্যমিক পরীক্ষায় সাফল্য অর্জনের জন্য প্রয়োজনীয় পরামর্শ প্রদান করেন।



শিক্ষার্থীদের সাথে অধ্যক্ষ মহোদয়ের মতবিনিময় সভায় একজন শিক্ষার্থী অভিমত ব্যক্ত করছে

পদ্মা সেতু উদ্বোধন অনুষ্ঠান উদযাপন



কলেজ প্রাঙ্গনে পদ্মাসেতুর উদ্বোধন অনুষ্ঠান উদযাপন

গণপ্রজাতন্ত্রী বাংলাদেশ সরকারের মাননীয় প্রধানমন্ত্রী শেখ হাসিনা গত ২৫ জুন ২০২২ স্বপ্নের পদ্মা সেতুর শুভ উদ্বোধন করেন। মাধ্যমিক ও উচ্চশিক্ষা অধিদপ্তরের আওতাধীন শিক্ষা প্রতিষ্ঠানের শিক্ষার্থীদের জন্য উক্ত উদ্বোধনী অনুষ্ঠান প্রদর্শন ও আনন্দঘন পরিবেশে উদযাপনের সরকারি নির্দেশনা থাকায় ঐ দিন আদমজী ক্যান্টনমেন্ট কলেজে তা প্রতিপাদন করা হয়। ৩০ হাজার ১৯৩ কোটি ৩৯ লাখ টাকা ব্যয়ে নির্মিত পদ্মা সেতুর উদ্বোধনী অনুষ্ঠান কলেজের হলরুমে সরাসরি সম্প্রচারের ব্যবস্থা গ্রহণ করা হয়। সরাসরি সম্প্রচারকৃত এই অনুষ্ঠানের আনন্দঘন উদযাপনে কলেজের একাদশ, অনার্স, বিবিএ ও মাস্টার্স শ্রেণির শিক্ষার্থীবৃন্দ ও শিক্ষকমণ্ডলী অংশগ্রহণ করেন। ৬.১৫ কিলোমিটার দীর্ঘ এই সেতু বাংলাদেশের যোগাযোগ ব্যবস্থায় এক নতুন দিগন্তের সূচনা ঘটায়। একই সাথে এই সেতু মাননীয় প্রধানমন্ত্রী জননেত্রী শেখ হাসিনার দৃঢ় নেতৃত্ব ও অনমনীয় মানসিকতার স্মারক চিহ্ন হিসেবে জাতির কাছে প্রতিফলিত হয়েছে। মুহূর্ত্ত করতালি ও আনন্দ ধ্বনির মধ্য দিয়ে শিক্ষার্থীরা তাদের স্বপ্নের পদ্মা সেতুর সরাসরি সম্প্রচারিত উদ্বোধনী অনুষ্ঠান উপভোগ করে। বাংলাদেশের বৃহৎ এই সেতুর সম্প্রচারিত উদ্বোধনী অনুষ্ঠানে কলেজ হলরুমে শিক্ষক ও শিক্ষার্থীদের সঙ্গে প্রধান অতিথি হিসেবে ছিলেন ভারপ্রাপ্ত অধ্যক্ষ অধ্যাপক মোঃ গোলাম ফারুক।

সেনাবাহিনী পরিচালিত শিক্ষা প্রতিষ্ঠান সমূহের মধ্যে ২০২০ সালের শ্রেষ্ঠ কলেজ আদমজী ক্যান্টনমেন্ট কলেজ

ক্যান্টনমেন্ট পাবলিক স্কুল ও কলেজসমূহের কেন্দ্রীয় সমন্বয় কমিটি কর্তৃক প্রত্যেক শিক্ষাবর্ষের শ্রেষ্ঠ কলেজ নির্বাচন করা হয়ে থাকে। বাংলাদেশ সেনাবাহিনী পরিচালিত সকল কলেজের মধ্যে আদমজী ক্যান্টনমেন্ট কলেজ ২০২০ সালের শ্রেষ্ঠ কলেজ নির্বাচিত হয়েছে। ২০২০ সালের উচ্চমাধ্যমিক পরীক্ষার ফলাফলসহ সার্বিক মানদণ্ডে ২০২০ সালে এই অবস্থান অর্জিত হয়। আদমজী ক্যান্টনমেন্ট কলেজের সম্মেলন কক্ষে ক্যান্টনমেন্ট পাবলিক স্কুল ও কলেজসমূহের কেন্দ্রীয় সমন্বয় পরিষদের ৫৩তম সমন্বয় সভায় ২২ মার্চ ২০২২ তারিখে চিফ অব জেনারেল স্টাফ লেফটেন্যান্ট জেনারেল সম্মানিত বিএ-২৬৬৬ আতাউল হাকিম সারওয়ার হাসান, এসবিপি, এসজিপি, এনডিইউ, এএফডব্লিউসি, পিএসসি, পিএইচডি বিজয়ী প্রতিষ্ঠানের প্রাক্তন অধ্যক্ষ ব্রিগেডিয়ার জেনারেল (বর্তমানে মেজর জেনারেল) মোঃ মাহবুব-উল আলম এর হাতে সম্মানসূচক ট্রফিটি তুলে দেন। তিনি কৃতিত্বপূর্ণ এই অর্জনের জন্য আদমজী ক্যান্টনমেন্ট কলেজের সকল শিক্ষক-শিক্ষিকা, কর্মকর্তা-কর্মচারী ও শিক্ষার্থীদের আন্তরিক অভিনন্দন জানান।



সেনাবাহিনী পরিচালিত ২০২০ সালের শ্রেষ্ঠ কলেজের সম্মানসূচক ট্রফি। ২২ মার্চ ২০২২।

আদমজী ক্যান্টনমেন্ট কলেজ: শিক্ষক-কর্মকর্তা-কর্মচারির সম্মিলিত কর্মস্রোত



আদমজী ক্যান্টনমেন্ট কলেজে শিক্ষকতার বিশ বছরে পদার্পণকারী শিক্ষকবৃন্দ।

বাষট্টি বছরের গৌরবোজ্জ্বল পথ-চলায় আদমজী ক্যান্টনমেন্ট কলেজ পরিবারে আজ শিক্ষক সংখ্যা ১১৬ জন। এঁদের মধ্যে অধ্যাপক ১৩ জন, সহযোগী অধ্যাপক ২২ জন, সহকারী অধ্যাপক ২০ জন, প্রভাষক ৫২ জন, প্রদর্শক ০৯ জন। এছাড়াও প্রথম শ্রেণির ০২ জন, দ্বিতীয় শ্রেণির ০৯ জন কর্মকর্তাসহ আরও ১০৮ জন তৃতীয় ও চতুর্থ শ্রেণির কর্মচারি এ প্রতিষ্ঠানের কর্ম-প্রবাহকে বেগবান রেখেছেন সাফল্যমণ্ডিত অগ্রযাত্রার পথে। ইতোমধ্যে ১৩ জন অধ্যাপক ও ০৫ জন সহযোগী অধ্যাপক তাঁদের কর্ম-জীবনের বিশ বছর অতিবাহিত করে প্রতিষ্ঠানের পরিণত রূপকে আরও সংহত করেছেন।

সম্পাদনা পর্ষদ

সভাপতি

অধ্যাপক ড. নিলুফা আহসান, বাংলা বিভাগ

সদস্যবৃন্দ

মোঃ আখতারুজ্জামান, সহযোগী অধ্যাপক, বাংলা বিভাগ
 ড. মোঃ ফজলুর রহমান, সহযোগী অধ্যাপক, বাংলা বিভাগ
 খোন্দকার ওমর ফয়সল, সহকারী অধ্যাপক, ইংরেজি বিভাগ
 আবু সায়েম মোঃ জামিল, প্রভাষক, বাংলা বিভাগ
 বেগম কাওসার জাহান, প্রভাষক, ব্যবস্থাপনা বিভাগ
 নুসরৎ নওরিন, প্রভাষক, ইংরেজি বিভাগ
 মোহাম্মদ হারুন-অর-রশিদ খান, সহকারী আইটি কর্মকর্তা
 গোলে মদীনা, তথ্য অফিসার
 সহযোগিতায়: মোঃ আমিনুর রহমান, কম্পিউটার/ডাটা এন্ট্রি অপারেটর

ডিজাইন ও মুদ্রণঃ এ প্লাস কমিউনিকেশন